



*Minggu, 25 Desember 2022*

**Ogen: Sakaria 9:9**



**ERSURAKLAH**



**K**alak ersurak ban meriah ukurna, seh sura-surana, bage pe sanga si mehuli jadi man bana. Ersurak-surak pe semal ilakoken i bas ngalo-ngalo kerehen pasukan si reh mulihken arah perang nari maba kemenangan. Lit nge perpudi enda kita ersurak, alu soranta si megangna, dengen alu semangatta. Sada nari penungkenen, ndiganai nge si perpudina kita ersurak perban meriah ukurta sabap nggo tubuh Juruselamatta?

Singuda-nguda Sion, rikut pe ras pernanden ngandung gedang-gedang wari i bas pembuangan erkiteken perbapanna bage pe anak perana ipaksa erperang, kerja paksa. Deba lanai mulih-mulih, deba nari lalap tertulih-tulih ntah kin nggeluh denga nge temanna, atena ngena e. Metedeh atena kerina, gelah mulihken ku Jerusalem, erkedungen min perbeben i bas kuta kalak enda. Lanai erdolat bangsa Tuhan i negri asing. Raja-rajana lanai erkuasa. Lit min gia si nampatisa. E maka erpadan Tuhan ngerehken Mesias, si jadi raja si mulahi bangsa e. ngaloken janji e saja pe nggo malem me ate kerina bangsa Israel, e maka isuruh Sakaria gelah ersurak ia kerina.

Bagi si inanami diberu-diberu Jerusalem, tertima-tima nandangi kerehen anak ras perbualngenna, bage me kita tertima nandangi kerehen sinampati geluhta gelah min puluh i bas perbeben si mberat. Ketedehen ateta e kerina tangkas nge i bas Tuhan, e maka sura-suraNa pe reh nampati kita gelah menahang perbeben si mberat. Jesus Kristus me padan Dibata e, Ia reh mulahikalak si melala perbebena dengen mulahi kalak si lit i abs dosa. Jesus e tubuh man gunanta. Ersuraklah, ersuraklah meriah, aloken ketubuhenna e seh ku pusuh. Tandana ialokenndu ketubuhenna, malem me ateta, ersuraklah!